



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11-28932/26
Sarajevo, 01.06.2026. godine

Na osnovu čl. 14. stav (1), 18. stav (1), 32. stav (1), 87. stav (1) tačka (a) i (2), 88. i 89. Zakona o javnim nabavkama („Službeni glasnik BiH“, br. 39/14, 59/22 i 50/24), (u daljnjem tekstu: Zakon), Pravilnika o uslovima i načinu korištenja E-Aukcije („Službene glasnik BiH“, broj 80/23), Plana javnih nabavki za 2026. godinu broj: 06-11-2175-1/26 od 28.01.2026. godine, Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj 27/19, 48/19 i 13/20), Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 10/26), Ministar za boračka pitanja Kantona Sarajevo donosi

ODLUKU

o pokretanju konkurentskog zahtjeva za javnu nabavku:
Pružanje usluga objave oglasa i obavještenja za potrebe realizacije Projekata

Član 1.

Odobrava se pokretanje konkurentskog zahtjeva za javnu nabavku: Pružanje usluga objave oglasa i obavještenja za potrebe realizacije Projekata.

Procijenjena vrijednost javne nabavke je 21.500,00 KM.

Za provedbu ove javne nabavke osigurana su sredstva u Budžetu Ministarstva za boračka pitanja Kantona Sarajevo na odjeljku 1301 na poziciji 613900 (Ugovorene i druge usluge)

Javna nabavka će se provesti putem konkurentskog zahtjeva za dostavu ponuda uz zaključivanje Okvirnog sporazuma u skladu sa članom 32. Zakona o javnim nabavkama BiH.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

JRJN: 79341000-6 – usluge oglašavanja

Član 2.

Tenderska dokumentacija će biti objavljena na Portalu javnih nabavki zajedno sa obavještenjem o nabavci.

Član 3.

Kriterij za dodjelu ugovora je najniža cijena.



Član 4.

Za realizaciju ove javne nabavke zadužuje se sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 5.

Ova Odluka stupa na snagu danom donošenja.

O b r a z l o ž e n j e

Predmet ovog konkurentskog zahtjeva je prikupljanje ponuda za pružanje usluga objave oglasa i obavještenja za potrebe realizacije Projekata u visokotiražnim dnevnim novinama čitanim na području Kantona Sarajevo i dostupnim na teritoriji Bosne i Hercegovine uz primjenu E-Aukcije i zaključivanje Okvirnog sporazuma sa jednim ponuđačem.

Ministarstvo za boračka pitanja Kantona Sarajevo u realizaciji svojih projekata predviđenih godišnjim Planom i programom rada ima potrebu za objavljivanjem većeg broja obavještenja i oglasa u dnevnim novinama: upoznavanje boračke populacije sa postupkom ostvarivanja određenih prava po Zakonu o dopunskim pravima boraca-branitelja Bosne i Hercegovine Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), upoznavanje sa rezultatima javno objavljenih poziva i konkursa i slično; objava čestitki i sjećanja povodom značajnih datuma iz perioda odbrambeno-oslobodilačkog rata i sjećanja na zaslužne pripadnike boračkih populacija i druga obavještenja za kojima se ukaže potreba.

Kako bi svi korisnici javno i transparentno bili obavješteni o određenim aktivnostima Ministarstva, potrebno je izvršiti javno oglašavanje putem web stranice ali i putem printanih medija.

Nabavka je planirana u Planu javnih nabavki za 2026. godinu broj: 06-11-2175-1/26od 28.01.2026. godine pod rednim brojem 8.

Sa jednim ponuđačem će se zaključiti Okvirni sporazum.

Za svaku ugovorenu narudžbu sa izabranim ponuđačem će se zaključivati pojedinačni ugovori u okviru Okvirnog sporazuma.

Procijenjena vrijednost nabavke je 21.500,00 KM i utvrđena je na osnovu tekućeg istraživanja tržišta, cijena iz prethodnog perioda i odobrenih sredstava u budžetu Ministarstva za 2026. godinu.

S tim u vezi pokreće se postupak konkurentskog zahtjeva na način propisan članom 88. Zakona o javnim nabavkama („Službeni glasnik BiH“, br. 39/14, 59/22 i 50/24) uz primjenu E-Aukcije, za odabir ponuđača koji će u ime Ministarstva vršiti ovakav vid usluga.

Pri donošenju ove Odluke Ministar se posebno rukovodio činjenicom da je predmetna nabavka neophodna, da su osigurana sredstva u Budžetu za 2026. godinu, te da je izabran odgovarajući postupak javne nabavke u skladu sa Zakonom.

Na osnovu naprijed navedenog odlučeno je kao u članu 1. ove Odluke.

